


2009-mi isertitat 2,6 pct.-mik qaffariartut

Nuna tamakkerlugu inuit ataasiakkaat agguaqatigiissillugu isertitaat 2009-mi 199.000 korduuniuvoq, ukiumi siuliani 194.000 korduuniulluni. Tamanna 2,6 pct.-mik isertitaqqortuseriarneruvoq. Isertitaqqortusineq Kommuneqarfik Sermersuumi innuttaasunut malunnaateqarnerpaavoq, Qeqqata Kommuniani Kommune Kujallermilu annikitsumik appariafiusoq.

Tamanna saqqummersitami qallunaatut allaaserineqartumi ”*Isertitat 2009-mi kisitsisit atorlugit nassuiaasiarinerat*”-ni Naatsorsueqqissaartarfiup tamanut saqqummiussaani www.stat.gl -kut takuneqarsinnaavoq.

Titartagaq 1 Isertitat tamarmiusut ineriartornerat 2008-miit – 2009-mut kommunenut agguarlugit



*Tunup
immikkoortortaqaarfiini
ineriartorneq
qaffasinnerpaasoq*

Kommuneqarfinni Kommuneqarfik Sermersooq tassaavoq isertitat agguaqatigiissinnerini ineriartorfiunerpaasoq, ineriartornikkut qaffariaat 4,0 pct.-luni. Aammattaaq Sermersuumi, immikkoortortani marlunni (kommuneqarfiusimasuni) ineriartorneq annertunerpaaq pisoq: tassalu Illoqqortoormiut immikkoortortaanni 8,6 pct.-mik annertuseriartoqarmat, Tasiilallu immikkoortortaani 4,4 pct.-mik annertuseriartoqarluni. Akerlianik Narsap immikkoortortaqaarfia isertitat agguaqatigiissillugit 3,7 pct.-mik isertitakilleriarfiuvoq, Nanortallip immikkoortortaqaarfia 4,2 pct.-mik isertitakilleriarfiuvoq.

*Sermersuumi isertitat
qaffasinnerpaapput*

Kommuneqarfik Sermersuumi innuttaasut isertitaqarnerpaajupput isertitat tamar-miusut agguaqatigiissinnerini 244.000 korduuninik isertitaqarfiugami, Qaasuitsulli Kommunianak nuna tamakkerlugu agguaqatigiissitsinnermi ineriartorfiunerpaatut inissisimasoq kommuneqarfiit akornanni isertitat qaffasissusaat isigalugu suli isertitakinnerpaaffiuvoq.

Tabeli 1 2009-mi inuit ataasiakkaat agguaqatigiissillugu isertitaat kommunenut agguataarlugit.

| | Isertitat tamarmiusut | Isertitat akileraa- rutaasussat | Akileraareernikkut isertitat |
|--------------------------------|-----------------------|------------------------------------|---------------------------------|
| 1.000 kr. | | | |
| Nuna tamakkerlugu | 199 | 182 | 140 |
| Kommune Kujalleq | 164 | 149 | 117 |
| Kommuneqarfik Sermersooq | 244 | 223 | 169 |
| Qeqqata Kommunia | 193 | 178 | 137 |
| Qaasuitsup Kommunia | 159 | 146 | 115 |

Kisitsisaataasivimmi: bank.stat.gl/INNP1-mi peqqissaartumik naatsorsuusiat qimerluukkit.

*Illoqarfinni nunaqarfinnilu
nikingassutsit
malunnaateqaqisut*

Illoqarfinni innuttaasup agguaqatigiissillugu 208.000 koruunit isertitarai, tamaak-kaluortoq illoqarfiit allat akornanni isertitat malunnaatilimmik assigiinneqqaat. Assersuutigalugu Nuummi isertitat tamarmiusut agguaqatigiissillugit 275.000 koruuniupput, assinganik naatsorsuigaanni Qaanaami isertitat 128.000 koruuniullutik. Taamatuttaaq nunaqarfiit akornanni isertitat annertuumik assigiinnigissuteqarput. Agguaqatigiissitsinikkut annertuumik isertitaqarfiunerpaapput mittarfeqarfiit Narsarsuaq Kangerlussuarlu, Narsarsuaq 295.000 koruuninik isertitaqarfiusoq, Kangerlussuarlu 291.000 koruuninik isertitaqarfiusoq. Nunaqarfiit sinneri isigalugit Oqaatsut (Ilulissat immikkoortortaqarfia) agguaqatigiissillugit 177.000 koruuninik isertitaqarfiunerpaalluni, akerlianik Siorapaluk (Qaanaap immikkoortortaqarfia) agguaqatigiissillugit 77.000 koruuninik isertitaqarfiusoq. Agguaqatigiissillugu nunaqarfinmioq 2009-mi 134.000 koruuninik isertitaqarpoq. Kisitsisit sumiiffinnut tamanut tunngatit Kisitsisaasivimmi: bank.stat.gl/INNP3-mi takuneqarsinnaapput.

*Aningaasat
pisissutaasinnaassusiat
pitsanngoriarpoq*

Isertitat agguaqatigiissinnerat aningaasat naleerukkiartornerannut sanilliullugu annertuseriarpoq, piffimmi 1. januar 2009-miit 1. januar 2010-mut 1,5 pct.-ingajaalluni, ima paasisariaqarluni isertitat naleqassusiannut 1,1 pct.-imik qaffariarneruluni. Ukiut marluk isertitat naleqassusiannik apparartorfiusimasut 2009-mi innuttaasut aningaasat pisissutigisinnaasat taamaalilluni pitsanngoriarfiuvoq.

Tabeli 2 2004-miit 2009-mut isertitanut naleqqersuut

| | 2004 | 2005 | 2006 | 2007 | 2008 | 2009 |
|--|-------------|-------------|--------------|-------------|-------------|-------------|
| Isertitanut naleqqersuut , 2002 = 100 | 104,2 | 105,7 | 110,0 | 113,9 | 118,5 | 121,6 |
| Atuisunut akit naleqqersuutaat , 2002 = 100 | 104,3 | 106,7 | 109,1 | 114,9 | 120,1 | 121,9 |
| Isertitat naleqqersuutaat, 2002 = 100 | 99,9 | 99,1 | 100,9 | 99,1 | 98,7 | 99,8 |
| Ukiutum allannguut (pct.) | 2,2 | -0,8 | 1,8 | -1,8 | -0,4 | 1,1 |

Pdf-filinngorlugu

Saqqummersitaq **"Isertitat 2009-mi kisitsisit atorlugit nassuiaasiarinerat"** pdf-filitut pissarsiarineqarsinnaavoq Naatsorsueqqissaartarfiup nittartagaatigut www.stat.gl -imi.

Kisitsisaateqarfik

Tabelit peqqissaarullugit suliart saqqummersitamut **"Isertitat 2009-mi kisitsisit atorlugit nassuiaasiarinerat"**-ni suliaasut Kisitsisaateqarfikkut bank.stat.gl pissarsiarineqarsinnaapput, tassuuna illit nammineq isummat malillugu tabeliliatit inaarsarsinnaassallugit. Innersuutissavatsigillu pdf-fili **"Kisitsisaateqarfiup atornissaanut aallartilluarit"** www.stat.gl aqqutigalugu periarfissami **"Qulequtat"**-mi **"Kisitsisaateqafikt"** qimerlooqqullugu. Tassani pdf-filimi nalunaatsumik allaasigineqarpoq, qanoq iliorlutit Kisitsisaateqarfinni kisitsisaatinik pingaarnersuisinnaasutit.

*E-mailimut
ilaasortanngorik*

Siunissami kisitsisitigut paasissutissanik nutaanik, Naatsorsueqqissaartarfiup nittartakkamigut tamanut saqqummiuttagaanik ilisimatinneqartarusukkuut, qarasaasiakkut allatanik nutaarsaasivipput ilaasortanngorfigiuk: Iserfigiuk www.stat.gl. Ammak-

kavit qulaani qineruk *"Kiffartuussinerit"* tassanni innersuunneqassaait qanoq iliorlutit pisartagaqalersinnaaninnik. Siunissamilu kisitsisitigut paasissutissat nutaat tamanut saqqummiunneqarnerini e-mailkkut ilisimatinneqartalerlutit.

Paasissutissanik suli kissaateqaruit siunnersorti Søren W. Børgesen e-mail swbo@stat.gl atorlugu saaffigisinnaavat.

Inussiarnersumik inuulluaqqusillunga

Søren W. Børgesen
Siunnersorti